

宋史

第十一冊

蘇子卿

如學

PDG

宋史卷三十四

本紀第三十四

孝宗二

三年春正月甲辰詔廷尉大理官毋以獄情白宰執探刺旨意爲輕重庚戌置三省戶房國用司初以國用匱乏罷江州屯駐軍馬至是復舊之癸亥罷銅錢過江之禁裁定利州西路諸軍額二月壬申詔國用司月上宮禁及百司官吏三衙將士請給之數癸酉出龍大淵爲江東總管會覲爲淮西總管甲戌大淵改浙東覲改福建乙亥罷成都潼州路轉運司輪年銓試以其事付制置司辛巳以端明殿學士虞允文知樞密院事癸未雨雹甲申爲知陳州陳亨祖立廟于光州賜名愍忠丙戌以武經龜鑑孫子賜鎮江都統戚方建康都統劉源癸巳措置淮東山水砦丙申從太上皇太

上皇后幸玉津園戊戌直祕閣前廣東提刑石敦義犯賊刺面配
柳州籍其家正月甲辰從太上皇太上皇后幸聚景園辛亥詣德
壽宮恭請裁定醫官員額丁巳詔四川宣撫司創招千人置司所
在屯駐王戊伯母秀王夫人張氏薨夏四月辛未蠲諸路州軍逋
負癸酉爲秀王王夫人成服于後苑百官進名奉慰丁丑合利州
東西路爲一戊寅以吳璘知興元府充利州路安撫使四川宣撫
使五月癸卯葉顒等上三祖下仙源積慶圖及太宗眞宗玉牒哲
宗寶訓甲寅吳璘薨庚申命四川制置使汪應辰主管宣撫司事
移司利州修揚州城壬戌大減三衙官屬六月己巳命汪應辰權
節制利州路屯駐御前軍馬辛未復分利州東西路爲二甲戊以
虞允文爲資政殿大學士四川宣撫使乙亥金遣使來取被俘人
詔失俘在民間者還之軍中人及叛亡者不與戊寅復以虞允文

爲知樞密院事充宣撫使帝親書九事戒之罷淮西江東總領所
營田募人耕佃壯丁各還本屯癯老存畱減半請給甲申詔鎮江
都統制戚方武鋒軍都統制陳敏各上清河口戰守之策追封吳
璘爲信王丁亥詔後省參攷理檢院典故辛卯皇后夏氏崩振泉
州水災秋七月己亥立薦舉改官額壬寅以皇太子疾減襍犯宐
辜囚釋流以下乙巳皇太子薨諡曰莊文己酉東宮醫官杜揖除
名昭州編管尋改瓊州閏月辛未詔諸軍復置副都統制文字與
都統制連書軍馬調發從都統制違者奏劾戚方罷癸酉權攢安
恭皇后于臨安修吉寺丁亥戚方落節鉞信州居住八月丁酉內
侍陳瑜李宗回坐交結戚方受賂瑜除名決杖黥面配循州宗回
除名筠州編管方責授果州團練副使潭州安置籍所盜庫金以
犒軍甲寅以久雨命臨安府決繫囚丁巳葉顥等請罷不許蠲光

濠廬三州壽春府賦一年戊午遣官分決滯獄壬戌以知建康府
史正志兼沿江水軍制置使自鹽官至鄂州沿江南北及沿海十
五州水軍悉隸之癸亥詔給舍討論考課舊法四川旱賜制置司
度牒四百備振濟九月戊子太白晝見冬十月乙未朔占城入貢
丁酉遣唐瑑等使金賀正旦戊戌修真州城以嗣濮王士輅爲開
府儀同三司庚子定內外薦舉改官人歲額癸卯詔歸正借補官
資人充樞密院效士於指定州軍以官庫酒息贍之者毋罷其給
乙卯金遣蒲察莎魯窩等來賀會慶節十一月丙寅合祀天地于
圜丘大赦戊辰雷已巳詔戒飭武臣及百官癸酉以郊祀雷葉顒
魏杞竝罷命陳俊卿爲參知政事翰林學士劉珙同知樞密院事
甲戌蔣芾陳俊卿請罷不許丁丑以雷發非時詔臺諫侍從兩省
官指陳闕失辛巳詔侍從兩省臺諫卿監郎官舉堪郎官寺監丞

監司郡守者癸巳罷川路馬船十二月丙申增修六合城己亥遣王淪賀金主生辰乙巳置豐儲倉增印會子辛亥以吳益爲太傅庚申金遣徒單忠衛等來賀明年正旦是歲兩浙水四川旱江東西湖南北路蝗振之

四年春正月戊辰籍荆南義勇民兵增給衣甲遇農隙日番教壬午奪秦墳秦堪郊恩蔭補癸未雨雹甲申幸天竺寺遂幸玉津園辛卯罷吳益郊恩蔭補壬辰葉顥薨二月甲午朔罷福建路賣鈔監蠲轉運司歲發鈔監錢十五萬緡詔四川宣撫使虞允文集四路漕臣會計財賦所入對立兵額丁酉命湖北安撫司給田募辰沅靖三州刀弩手戊戌置和州鑄錢監己亥以蔣芾爲尙書右僕射同中書門下平章事兼樞密使兼制國用使觀文殿大學士史浩爲四川制置使浩辭不行庚子詔蔣芾常朝贊拜不名芾辭許

之乙巳賜王炎出身簽書樞密院事癸丑五星皆見乙卯雪雨雹
三月庚午以敷文閣待制晁公武爲四川安撫制置使戊寅詔贈
果州團練使韓崇岳立廟賜名忠勇宣州觀察使朱勇立廟賜名
忠節己丑四方霧下若塵庚寅蠲楚州壯丁社民稅役諡陳享祖
曰愍節夏四月乙未置漢陽軍收發馬監詔官吏非犯公辜毋得
引用併計案問發己亥置郢州轉般倉癸卯遣使撫邛蜀二州飢
民爲亂者己酉追封韓世忠爲斬王甲寅蔣芾等上欽宗帝紀實
錄丙辰禮部員外郎李燾上所著續通鑑長編自建隆至治平一
百八卷丁巳詔大使局參用新舊曆八月詔販牛過淮者論如興
販軍須之辜是月振縣漢等州饑五月癸亥出度牒千道續減四
川科調乙丑太白晝見以邛州安仁縣荒旱失于蠲放致飢民擾
亂守貳縣令降罷追停有差甲申諡趙鼎曰忠簡丙戌行乾道新

曆丁亥以饒信二州建寧府飢民嘯聚遣官措置振濟是月西夏
任敬德遣使至四川宣撫司約發兵攻西番六月辛卯朔太白晝
見經天甲午詔罷廣西鈔鹽復官般官賣法歲減轉運司鈔錢十
九萬緡其秋苗毋得科折戊戌蠲諸路逋負乾道元年二月和市
折帛襍色錢辛丑龍大淵卒詔以爲寧武軍節度使致仕五星皆
見癸卯詔四川宣撫司增印錢引一百萬對償民間豫借錢蠲邛
蜀二州夏稅丁巳召興化軍布衣林彖赴行在戊午蔣芾以母喪
去位秋七月壬戌以劉珙兼參知政事召建寧府布衣魏掞之赴
行在申禁異服異樂癸亥徽州大水已巳罷沿江水軍制置司辛
未衢州大水戊寅知衢州王悅以盛暑禱雨蔬食減膳憂勤致疾
而歿贈直龍圖閣丁亥以經總制餘贍錢二十一萬緡椿畱邛蜀
州以備振濟己丑以久雨御延和殿慮囚減臨安府三衙炊臯以

下囚釋杖以下是月西夏遣閒使來八月乙未班祈雨雪之法于
諸路己亥五星皆見丁未主管殿前司公事王琪傳旨不實擅興
工役降三官放罷庚戌劉琪罷辛亥陳俊卿請罷政不許九月庚
申立內外將佐升差審察法庚午從太上皇幸天竺寺限品官子
孫名田是秋罷關外四州營田官兵募民耕佃冬十月壬辰遣鄭
聞等使金賀正旦甲午禁歸正人藏匿金人者乙未臣僚言天下
之事必歷而後知試而後見爲縣令者必爲丞簿爲郡守者必爲
通判爲監司者必爲郡守皆有等差自今職事官吏局務官必任
滿方許求外未歷親民任使卽未得擬州郡且授通判詔從之庚
子蔣芾起復尙書左僕射陳俊卿右僕射竝同中書門下平章事
兼樞密使兼制國用使甲辰大閱己酉金遣移刺神獨幹等來賀
會慶節庚戌大風十一月壬戌遣知無爲軍徐子寅措置楚州官

田招集歸正忠義人以耕甲戌嚴盜賊法乙亥詔峽州布衣郭雍
赴行在壬申兩淮歸正忠義有田產者蠲役五年癸未岳陽軍節
度使居廣封永陽郡王十二月丙申遣胡元質等賀金主生辰甲
辰賜魏掞之同進士出身爲太學錄蔣芾辭起復許之減兩浙江
東西路明年夏稅和市之半甲寅金遣完顏仲仁等來賀明年正
旦

五年春正月甲戌措置兩淮屯田二月己丑詔申嚴太廟季點法
乙未命楚州兵馬鈐轄羊滋專一措置沿淮海盜賊先是海州人
時旺聚眾數千來請命旺尋爲金人所獲其徒渡淮南者甚眾
故命滋彈壓之戊戌贈張浚太師謚忠獻壬寅以給事中梁克家
簽書樞密院事癸卯大風甲辰以王炎參知政事兼同知樞密院
事丙午雨雹辛亥詔自今詔令未經兩省書讀者毋輒行給舍駁

正母連銜同奏三月丁巳朔詔趣修廬和二州城己巳蠲成都府路民戶歲輸對糴米腳錢三十五萬緡乙亥以王炎爲四川宣撫使仍參知政事召虞允文赴行在丙子賜禮部進士鄭僑以下三百九十有二人及第出身壬午賜郭雍號沖晦處士癸未罷科州路諸州營田官兵募民耕佃詔侍從監司帥臣管軍薦武舉出身人可將佐者夏四月己丑復置將作軍器少監壬辰以梁克家兼參知政事辛丑詔福建路貧民生子官給錢米庚戌修襄陽府城辛亥振恤衢婺饒信四州流民五月己巳帝以射弩弦斷傷目不視朝金牒取俘獲人王抃議盡遣時旺餘黨陳俊卿持不可帝然之六月庚寅太白晝見戊戌始視朝己酉以虞允文爲樞密使秋七月乙丑召曾覲八見陳俊卿及虞允文請罷之不許覲至行在俊卿允文復言其不可畱詔以覲爲浙東總管八月甲申朔日有

食之己丑以陳俊卿爲尙書左僕射虞允文爲尙書右僕射竝同
中書門下平章事兼樞密使兼制國用使辛亥命淮西路鑄小鐵
錢九月己未罷淮東屯田官兵募民耕佃辛酉詔淮東諸州農隙
教閱民丁甲子詔侍從臺諫集議欽宗配饗功臣壬申大風命淮
西安撫司參議官許子中措置淮西山水砦招集歸正忠義人耕
墾官田冬十月乙酉遣汪大猷等使金賀正旦戊子振溫台二州
被水貧民以守臣監司失職降責有差戊戌大風己亥命饒信二
州歲各畱上供米三萬石以備振糶癸卯金遣高德基等來賀會
慶節十一月癸丑朔復置淮東萬弩手名神勁軍庚申增置廣東
水軍乙丑以孫擴爲右千牛衛大將軍以明州定海縣水軍爲御
前水軍丙寅爲岳飛立廟于鄂州己巳太白晝見辛未詔侍從臺
諫兩省官各舉歲朝官以上才堪監司郡守者三人壬申復成閔

慶遠軍節度使鎮江諸軍都統制十二月己丑遣司馬伋等賀金
主生辰辛卯大風丁酉置應城縣馬監復李顯忠威武軍節度使
乙巳復置成都府廣惠倉戊申金遣完顏毅等來賀明年正旦
六年春正月癸丑雅州沙平蠻寇邊焚碉門砦四川制置使晁公
武調兵討之失利乙卯修楚州城丁巳復強盜舊法其四年十一
月指揮勿行癸亥初降金字牌下四川宣撫司備邊奏己丑增築
豐儲倉庚午以奉國軍承宣使知廬州郭振爲武泰軍節度使二
月乙酉詔戶部侍郎二人分領諸路財賦丁亥復置舒州同安監
鑄鐵錢辛卯王炎遣人約沙平蠻歸部稍捐邊稅與之丙申廣西
路復行鈔鹽法仍增收通貨錢四十萬緡以備漕計壬寅詔諭大
臣均役法嚴限田抑游手務農癸巳酉置應城縣孳生監庚戌以
曾覲爲福州觀察使遣司農寺丞許子忠詣淮西措置鐵錢三月

癸丑用三省官兩淮守帥宐久其任二年後察其能否以行賞罰
乙卯裁減樞密院吏額一百十有四人丁巳詔步軍司權以三萬
五千人爲額以王抃僉知閤門事專一措置三衙揀選官兵贈彰
國軍節度使大周仁爲太尉庚申從太上皇太上皇后幸聚景園
乙丑以晁公武王炎不協罷四川制置司歸宣撫司辛未從太上
皇太上皇后幸聚景園甲戌裁減三省吏額七十人戊寅以知紹
興府史浩爲檢校少傅保寧軍節度使己卯詔兩淮州縣官以繁
簡易其任復置江浙荆湖兩廣福建等路都大發運使以新知成
都府史正志爲之夏四月辛巳朔罷鑄錢司歸發運司併淮東總
領所歸淮西總領所以敷文閣直學士張震知成都府充本路安
撫使乙未賜發運使史正志緡錢二百萬爲均輸和糴之用吏部
尙書汪應辰三上疏論發運司戊戌以應辰知平江府五月甲寅

裁減六部吏額百五十人其餘百司三衙以是爲差己未陳俊卿
虞允文等上神宗哲宗徽宗欽宗四朝會要太上皇玉牒己巳陳
俊卿以議遣使不合罷爲觀文殿大學士知福州罷行在至鎮江
征稅所比近者十有三甲戊詔誠飭百官丁丑知潮州會造犯賊
貸命南雄州編管籍其家戊寅詔給舍臺諫言事閏月壬午詔監
司帥臣舉守令臧否失實依舉清要官法定舉甲申印給諸州上
供綱目季申而歲校之以爲殿最戊子遣范成大等使金求陵寢
地且請更定受書禮辛卯吏部侍郎陳良祐論祈請使不當遣恐
生之人詔以良祐妄興異論不忠不孝放罷送筠州居住癸巳增
環衛官奉以梁克家爲參知政事兼同知樞密院事壬寅以江東
漕臣黃石不親案行水災州郡降二官甲辰辛次膺夢戊申復置
武臣提刑六月壬子申嚴卿監郎官更迭補外之制壬申增武學

生爲百人癸酉置蘄州蘄春監黃州齊安監司守方是月榮國公
挺自東宮出居外第秋七月癸未詔以沙田蘆揚歲收租稅六十
餘萬緡入左藏南庫丙戌詔川廣監司郡守任滿奏事訖方調已
丑置興國軍興國監甲午詔除郎官竝引對畢供職辛丑復置御
前弓馬子弟所命吳挺兼提舉賜岳飛廟曰忠烈八月庚戌虞允
文請蚤建太子癸丑復置詳定一司敕令所丙寅置閤門舍人十
員是月虞允文上乾道敕令格式九月壬辰賜蘇軾謚曰文忠辛
丑沅州獠人相讐殺守臣孫叔傑出兵擊之失利獠人進迫州城
安撫司諭解之叔傑尋抵臯是月范成大薨自金金許以遷奉及
歸欽廟梓宮而不易受書禮冬十月己酉以孫攄爲左千牛衛大
將軍丙辰詔發運使置司行在諡司馬朴曰忠潔辛酉遣呂正己
等使金賀正旦丁卯金遣邪律子敬等來賀會慶節甲戌起居舍

人趙雄請置局議恢復詔以雄爲中書舍人十一月丁丑朔復置軍器監一員壬午合祀天地于圓丘大赦乙未復置神武中軍以吳挺爲都統制召會覲提舉佑神觀丁酉加上光堯壽聖太上皇帝尊號曰光堯壽聖憲天體道太上皇帝壽聖太上皇后尊號曰壽聖明慈太上皇后是月遣趙雄等賀金主生辰別函書請更受書之禮置左藏南上庫十二月戊申大閱甲子置江州廣寧監臨江軍豐餘監撫州裕國監鑄鐵錢壬申金遣蒲察愿等來賀明年正旦癸酉罷發運司以史正志奏課不實責爲楚州團練副使永州安置是歲兩浙江東西福建水旱

七年春正月丙子率羣臣奉上太上皇太后皇后冊寶于德壽宮庚辰虞允文復請建太子帝命允文擬詔以進壬寅命三省句錄宣諭聖語及時政記同進是月復鑄錢司二月癸丑詔立子惇爲